

ლოცვეროსცუროული საშური



საშურის მუნიციპალიტეტის ბაზეთ „საშურის მოამბის“ დამატება
№6, 28 სექტემბერი, ორშაბათი, 2020 წელი

ილია II - საქართველოს კათალიკოს-პატრიარქი და... (ყველაფერი, რაც თითქმის ზუსტად მახსოვს)

ორიოდე წლის წინ „ალმოვანინე“, რომ ამქვეყნად არც ისე ცოტახანს მიცხოვრია და მნიშვნელოვანი ფაქტების შემსწრეც ვყოფილვარ. გადავწყვიტე, წარსულში ჩარჩენილი, მაგრამ მომავლისთვის არცთუ უინტერესო დეტალები ქალაქად გავაღვიტანო და ამით გარკვეული სამსახური გავუწიო მათ, ვისაც ეს ყველაფერი ან სხვაგვარად სმენია, ან სულაც არ სმენია. პირველ ნაწილში საქართველოს კათალიკოს-პატრიარქზე – ილია II-ზე მოსაზრებებსა და უშუალოდ ჩემი ყურით მოსმენილსა და ჩემივე თვალთ ნანახზე გიამბობთ...

მასზე, როგორც ქართული ეკლესიის საჭეთმპყრობელზე, არაერთგვაროვანი დამოკიდებულება არსებობს, მითუმეტეს, დღეს, როცა იერიშით მიდის ქრისტიანობასა და დედა-ეკლესიის წინააღმდეგ ბრძოლა, რაც „მავანთათვის“ სასურველი შედეგით არის მიღწეული. (რატომ და რისთვის, – ეს ცალკე თემა) არსებობს არაერთი გამოცემა, რომელიც ილია II-ის ცხოვრებასა და მოღვაწეობაზე, მის შინაგან თვისებებზე და პიროვნების თავისებურებებზე მოგვითხრობს, აგრეთვე, ბერ-მონაზვნებისა და იმ, ქართველი თუ არაქართველი ადამიანების შთაბეჭდილებებს, რომელიც პატრიარქის ერთი ნახვისთანავე იქმნება.

ილია II პირველად 1989 წლის 9 აპრილის ღამეს დავინახე. ეს იყო საქართველოს დამოუკიდებლობისათვის გამართული მიტინგების დღე-ღამეები ზვიად გამსახურდიასა და მერაბ კოსტავას ხელმძღვანელობით. იყო მგზნებარე გამოსვლები. იმ ხანად გაზეთ „ლიტერატურულ საქართველოში“ სისტემატურად იბეჭდებოდა ჩემი წერილები, საიდანაც მოუწოდებდი ჩემს ოსებსა და აფხაზებს, აგრეთვე, ქართველებსაც, ერთმანეთი დაენდოთ და ბზარის ნიაღვარს არ წაეღეკა ჩვენი ღირსეული წარსული. 9 აპრილის ღამესაც მე და ჩემი 18 წლის ვაჟი მიტინგზე ვიმყოფებოდით. შუალაშე იდგა, როდესაც გავრცელდა მითქმა-მოთქმა – სპეცრაზმების ტანკები აპირებენ მიტინგის დარბევასო. უეცრად, ზურგში აუტანელი ტკივილისგან გავშეშდი. მიკროფონთან დადგა ილია II. თითქმის სიტყვა-სიტყვით მახსოვს მისი ნათქვამი:

„ქრისტიანებო, ჩემო შვილებო, დებო და ძმებო! თქვენ უშიშრად დადევით საქართველოს დამოუკიდებლობისათვის ბრძოლის გზაზე! თქვენ უკვე გმირები ხართ! მე ზუსტი ცნობა მაქვს იმის შესახებ, რომ ტანკები ნამდვილად მოემართებიან მიტინგის დასაშლელად, რასაც მსხვერპლიც მოყვება. ქრისტეს სახელით მოგმართავთ, ნუ გაიღებთ ასეთ მსხვერპლს! თქვენ სჭირდებით საქართველოს, თქვენ უნდა შექმნათ ოჯახები და გააჩინოთ შვილები, რომლებიც უსათუოდ იცხოვრებენ დამოუკიდებელ საქართველოში! აჩქარებით ნუ გავნირავთ საქართველოს მომავალს! საქართველოში და მთელ რესპუბლიკებში ისეთი პროცესებია, რომ, ადრე თუ გვიან, დამოუკიდებელნი ვიქნებით! დავიშალოთ, შევიდეთ ეკლესიაში და ვილოცოთ საქართველოსთვის, გმირთა სულებისთვის, ნათელი მომავლისთვის! შვილებო, დებო, ძმებო, ისედაც მცირერიცხოვან საქართველოს ახალი მსხვერპლი არ სჭირდება!“

ცოტა ხნით სრული სიჩუმე ჩამოწვა. დავინახე, როგორ შეაშველეს ხელი შეწუხებული სახის, ფეხზე მდგომ პატრიარქს. ზვიად გამსახურდიამ ხმამაღლა იკითხა: „რას იზამთ, დაიშლებით?“ „არა!“ – იყო მტკიცე პასუხი. მერე ერთბაშად ყველაფერი აირია. მიკროფონთან აქტიურად მომწოდებელნი უეცრად გაქრნენ, ხოლო პატრიარქს, მოგვიანებით, მცველებმა სწრაფად მოკიდეს ხელი და ვხედავდი, მისი წინააღმდეგობის მიუხედავად, თითქმის ძალით მოაშორეს იქაურობას. ტანკების გრუხუნითა და ხელკეტებით „დამშვენებული“ ჯარისკაცების კოლონაც დაიძრა. დაერივნენ ხალხს და მათი აჩეხვა დაიწყეს!.. ტანკების გრუხუნში თითქოს სიცოცხლე ჩაჩუმდა...

ეროვნული მოძრაობის წლებში ვამბობდით, რომ საბჭოთა „უძრაობის“ ხანიდან უნდა გამოვიდეთო. დღეს კი ვფიქრობ – ის ჩემი გაშეშება იქნებ იმის ნიშანი იყო, რომ პირიქით, იმდენი და, არცთუ დაფიქრებულად ვიმობრავეთ, (თუნდაც, პატრიარქის შეგონება რომ არად ჩავაგდეო), რომ იმ „უძრაობის“ ხანას „გავუსწართ“ ერთ ადგილზე გაშეშებით, ხალხის კეთილდღეობის საწინააღმდეგო მიმართულების წერტილზე?!

ჩემი მეორე შთაბეჭდილება საქართველოს კათალიკოს-პატრიარქზე ქრისტიანულმა დიპლომატიამ (თუ შეიძლება, ასე ითქვას) მოახდინა.

ეს ის წლები იყო, როდესაც არა მხოლოდ ოსები და აფხაზები, რუსეთის პროვოკაციის გავლენის ქვეშ მოქცეულ კავკასიაში მცხოვრები სხვა ეროვნების წარმომადგენლებიც ეჭვქვეშ აყენებდნენ საქართველოს მათდამი კეთილგანწყობას. ამასთან, თავად ქართველებიც ერთმანეთს დაესივნენ, პოლიტიკური მოსაზრებებისა თუ „მოთამაშეთა“ მიერ ნაქეზებულები.

გავისხენებ საპატრიარქოში ერთ-ერთ შეხვედრას, რომელსაც ქართველების გარდა, სხვადასხვა ეთნიკური წარმომადგენლის საქართველოს მოქალაქეებიც ესწრებოდნენ.

„არ არსებობს ერი, ვისაც არა აქვს რაიმე საამაყო, ან არც თუ სასურველი ისტორიული მომენტები. ქართული სირცხვილის განზოგადება კარგა ხანია, მოახდინა მწერალმა ლევან სანიკიძემ თავის წიგნში, სადაც იმ შეცდომებზე და ცოდვებზე საუბრობს, რაც ქართველ ერს გამოუვლენია საკუთარი თავის მიმართ. ყველამ კარგად ვიცით, რომ საქართველო სხვა ქვეყნის ტერიტორიების წართმევას კი არა, მუდმივად თავისი მიწა-წყლის დაცვას ცდილობდა. ორ მაგალითს მოვიყვან,

რომელიც ამტკიცებს, რომ არც ისე ცუდი ხალხი ვართ ქართველები.“ – პატრიარქმა ისეთი მოკრძალებითა და ღიმილით განაგრძო, რომ დარბაზი მეტი ყურადღებით დაიძაბა.

„არცთუ დიდი ხნის წინ, მაგრამ იმ წლებში, როდესაც სიკვდილით დასჯა ჯერ კიდევ არ იყო გაუქმებული, საქართველოში დიპლომატიური მისიით ჩამობრძანდა უცხოელი ქალბატონი (გვარი ვერ დავიმახსოვრე – მ. ხ.). მან მთხოვა, შეეშვათ ისეთ პატიმართან, რომელსაც რამდენიმე დღეში დახვრეტა ჰქონდა მისჯილი. სტუმარი შეუშვეს ერთ-ერთი ასეთი პატიმრის საკანში. პატიმარი, ქალის დანახვაზე, სწრაფად წამოდგა, პერანგის შეხსნილი ღილები უცებ შეიკრა, თმაზე ხელი გადაისვა და მოკრძალებული ღიმილით სთხოვა, დაბრძანდითო. გარკვეული დროის შემდეგ ეს ქალბატონი პრალის გაზეთში წერდა: „რამდენ პატიმარს შევხვედრილვარ, რომლებსაც საათები ჰქონდათ სიკვდილამდე დარჩენილი და არცერთი არ მინახავს ასეთი ზრდილი, მშვიდი და მამაკაცურად ღირსეული. ჩემი პრაქტიკის მანძილზე პირველად საქართველოში ვნახე კაცი, რომელიც სიკვდილის წინაც მამაკაცად დარჩა...“

დარბაზში სრული სიჩუმე ჩამოწვა. პატრიარქმა ჩუმად წარმოთქვა: „თურმე, არც ის ცუდები ვართ ქართველები, არა? მეორე მაგალითსაც გეტყვით და მეტს აღარ შეგანუხებთ“ – თქვა პატრიარქმა და მალულად ცრემლი მოინმინდა.

– თქვენ იცით, რა ხდება თბილისში, როგორი გაჭირვებით მოძრაობს ტრანსპორტი, ხალხი ავტობუსებში ჩაჭედული მგზავრობს, საფეხურებზეც დგას. ეს ჩვენი უცხოელი დამკვირვებელი ქალბატონი კი, ქუჩაში, თურმე, ასეთი ფაქტის მოწმე გამხდარა: გაჭედილი ავტობუსი თითქმის დაიძრა, რომ ხნიერი ქალი მთელი ძალით აეკიდა ავტობუსს, ცდილობდა, როგორმე ასულიყო. საფეხურებზე მდგარმა ქალმა და კაცმა ხელი სტაცეს, ძლივს აათრეს და შიგნით, ხალხის განვეაგამონვეის მცდელობით, მძიმე ჩანთიანი ქალი, როგორღაც შეიყვანეს. წინა სკამზე მჯდომმა მოუხცმა მამაკაცმა „ძლივს შეტეულ“ ქალს ადგილი დაუთმო. მხოლოდ ამ ორი მაგალითით ბევრი რამ შეიგრძნო საქართველოში პირველად მყოფმა უცხოელმა ქალბატონმა და თავისი გაოცება-აღფრთოვანება ვერ დამალა... ჰოდა, იმას ვამბობდი: ბევრი რამ შეგვშლია ქართველებს, იქნებ, ბევრჯერ უანგარიშოდაც წამოგვისვრია სიტყვები, მაგრამ მხოლოდ ეს ორი მაგალითი იქნებ იმაზე მეტყველებს, რომ, მაინც, არც ისე ცუდი ხალხი ვართ ქართველები? მე მინდა, თქვენც გაიხსენოთ თითოეული თქვენგანის მსგავსი მაგალითები, რომლის შემდეგაც გვექნება უფლება ვთქვათ: „ნუ შევიძულეთ ერთმანეთს, იქნებ ჩვენ, ადამიანები, არც ისე ცუდები ვართ?“

წამიერი სიჩუმის შემდეგ ტაშმა იგრიალა. ჩემი აზრით, ეს იყო ქრისტიანობის, დიპლომატიისა და ადამიანის გულში ჩახედვის დამაფიქრებელი მაგალითი. ილია მეორის სიტყვამ ნებისმიერი ეროვნების ადამიანის სული გაათბო.

ჩემი და პატრიარქის მესამე შეხვედრა 2011 წლის შობის ღამეს, საშობაო წირვისას შედგა, როდესაც, სრულიად მოულოდნელად, გამოაცხადა, რომ მაჯილდოებს წმინდა გიორგის ოქროს ორდენით. დაბნეულს, არც მჯეროდა, რომ ეს პატივი მართლა მე მერგო! მახსოვს ჩემი გაოცებული სახე და კითხვების კორიანტელი:

– კი, მაგრამ, თქვენო უწმინდესოებო, რით დავიმსახურე ეს ჯილდო? უამრავი შეცდომა და ცოდვა მაქვს ჩადენილი (პატრიარქი ღიმილით მისმენს), ვერც ეკლესიური ცხოვრებით დავიკვებნი, ლოცვებიდან მხოლოდ „მამაო ჩვენოს“ ვკითხულობ, ისიც, ზოგჯერ, მავინწყდება (პატრიარქი კვლავ ღიმილიანი სახით მისმენს, სიმშვიდით, თითქოს აქ არც არის), აღსარება არასდროს მითქვამს (სასწრაფოვეთა მეძალეა)... იცით, რომ მოძღვარიც არასდროს მყოლია?! აქ უკვე შემაჩერა პატრიარქმა:

– მამ, ახლა მე ვინ ვარ? – აღსარებაც ჩაბარებულა! არსებობს მონა ღვთისა და მეგობარი ღვთისა. მონა ღვთისა სკურპულიოზურად, ზედმინეწვით ზუსტად ასრულებს საეკლესიო ყველა რიტუალს, ამას ინსტინქტურად აკეთებს, ჩვევის მიხედვით, ხოლო მეგობარი ღვთისა შეგნებულად, ქრისტიანული ისტორიის ცოდნით აღსავსე, იცავს ამ წესებს გონების თვალთა, მხოლოდ ეს არის განსხვავება, თორემ ორივე მორწმუნეა და ორივე ქრისტიანი, ორივე სჭირდება სარწმუნოებას.

პატრიარქის ამ სიტყვებმა თითქოს წამში შეცვალა და გაასხივოსნა ჩემი ცნობიერება... იმასაც მივხვდი, თუ როგორი ობიექტურობით შეაფასა მან ჩემი, როგორც ოსური წარმომადგენლის ქართველი მწერლის როლი ძალად თავსმოხვეულ ე. წ. ქართულ-ოსური კონფლიქტის ქარ-ცეცხლში, რომლის უსამართლობამ და იმპერიის ხელით მართვამ ოსებიც და ქართველებიც თანაბრად დაგვაზარალა! პატრიარქის სწორი, დიპლომატიური და გონივრული სვლები არაერთი საკითხის ნაკლებად მტკივნეულად მოგვარების საწინდარი იყო. მესამე შვილის მისი მონათვლით მან გამრავლების სტიმული მისცა ქართველ ერს. მასვე ეკუთვნის შაბათობით წიგნის კითხვისა და ოჯახის სინმინდის დღის დაარსებაც.

ილია მეორემ ალბათ, უკეთ იცის, რომ ბოროტების დამარცხება მხოლოდ კეთილი გულითა და დინჯი გონებით არის შესაძლებელი.

ყველაფრის ჩამოთვლა შორის წავიყვანს... დრო თავად შეაფასებს ყველაფერს...

მზია ხეთაგური – მწერალი, საზოგადო მოღვაწე



სცუმანი ივგეიონიძე



ივგეიონიძე

* * *

სარკმელს მოადგა
 უგრძელესი დილის სისხამი,
 უეცრად შაშვი აჭახჭახდა
 ბებერ ცაცხვებთან,
 ფიქრის მთამ სევდა
 მოიხურა, ვით მოსასხამი,
 შაშვის გალობას ელვა-ჭექით
 ქუფრი ცაც ჰყვება.
 მე დამაჩოქა ცხოვრებამ და
 ტკივილის ქვა-ლორღს
 მძიმედ ვეცემი იდაყვებით,
 შუბლით, მუხლებით,
 ამაზე დიდი განსაცდელი
 რა უნდა ვნახო?! –
 როცა სულიც კი აღარ
 შემრჩა გადაუყვლეფი...
 გულიდან შენი მონატრების
 მძაფრი განცდები
 სკადანგრეული ფუტკრებით
 წამოიშალნენ,
 იმედის ლურჯი და
 კამკამა ზეცა ბაცდება,
 გულს სიხარული სწყურია და
 თვალებს – სიმშრალე.
 შენ თუ ჩაქრები, შენ თუ
 გახვალ ამ სამყაროდან,
 ჩემთვისაც უმალ ჩაინგრევა
 სამყაროს ფსკერი,
 გადავვარდები, როგორც წიგნი
 გულის თაროდან,
 მეც იმით ვცოცხლობ, რომ
 მიყვარხარ, ცოცხალს გიცქერი.
 შენ ჩემი სევდა და
 ტკივილის განცდა დაგარქვი
 და ვიცი, ვიცი, ეს ტკივილი
 ბოლოს მომიღებს...
 და უსაშველოდ მეშინია
 შენი დაკარგვის,
 ჯერ დუმხარ, მაგრამ
 იმედი მაქვს, ხმას ამოიღებ!
 უნდა იცოცხლო, უნდა შეძლო,
 უნდა გამხნევდე,
 მე ხელს გინვდი და
 ამოგიყვან იმედის გემზე,
 ტრფობის ქიმიდან
 ვნების ზღვაში გადაგახედებ,
 ოლონდ, მოდი და...
 გულის ბზარი ამომიკემსე.

ჩემი ოთახი

ჩემი ოთახი ყველაზე პატარა და ძველმოდურია
 ნაქირავე ბინაში.
 ჩემი ოთახის კედლებზე ოცდაათი წლის წინ
 გაკრული შპალერი
 სიძველისგან გაყვითლებული, გაცრეცილი და
 ალაგ-ალაგ ამოხეულია.
 ჩემს პატარა ოთახს ლაქნასმული
 ხის ერთი დიდი ფანჯარა აქვს, ქარში ჭრაჭუნა
 და მინაგაბზარული,
 ხისავე შტორითა და აბრეშუმის
 ქვიშისფერი ფარდით.
 სარკმლის რაფაზე ალაჟღაჟებული ბალბა და
 ტიტა ჰყვავის თიხის ქოთნებში.
 ჩემი ოთახის ჭერი ბათქაშამოყრილი და
 საღებავგახუნებულია,
 რომელზეც უბრალო ჭალი მნიფე ლეღვივით
 ჰკიდია ოქროსფერი ლითონის ჯაჭვზე.
 ჭალის ირგვლივ თაბაშირით გაკეთებული
 ყვავილების დეფორმირებული ორნამენტებია.
 დანოლილი, ჭერს რომ ავყურებ, მონაცრისფრო და
 შავ ლაქებში ნაირ-ნაირ ფიგურებს ვხედავ...
 ჩემი პატარა ოთახის ერთ-ერთ კედელზე,
 პრიალა სარკის მარჯვნივ, ხატებია
 ჩამოკიდებული
 წმინდა გიორგის, იესოსი და ღვთისმშობლის,
 სადაც სულდამძიმებული ავიტუზები ხანდახან
 და "მამაო ჩვენოს" ვბუტბუტებ ჩუმიად...
 ერთ-ერთ კედელზე წიგნების თარო...
 ჩემი ზამბარებიანი რკინის საწოლი ვინროა და
 უანგმოკიდებული,
 რომელიც ჩემი გადაბრუნებისას ჭრიალებს ხოლმე, –
 ორი ბამბის ლეიბითა და ფუმფულა,
 არაერთხელ, ცრემლით დანამული ბალიშით,
 ბოშებთან ნაყიდი, ქათქათა ზენრებით მორთული...
 შეყუჟული ვარ ჩემს პატარა, 200 ლარად
 ნაქირავე ოთახში
 და ვცხოვრობ ჩემთვის, უბრალოდ და ერთფეროვნად.
 ეს პატარა ოთახი მომსწრეა ჩემი ლიმილის, ჩემი
 მწუხარების, ჩემი ქვითინის,
 ჩემი სასონარკვეთის, ჩემი ალტაცების,
 ჩემი დაჩოქების, ჩემი სიმღერის, ჩემი ცეკვის,
 ჩემი გაოცების...
 წამოწოლილი რომ ვაკვირდები
 დღის და ღამის ცას, ვარსკვლავდახუნძლულს,
 მჯერა, რომ ჩემს პატარა ოთახს თვალები აქვს –
 მეტყველი და ნაღვლიანი თვალები,
 ჩუმად მიყურებს, და ჩემი მოსმენა,
 თანაგრძნობაც კი შეუძლია,
 ვინ იცის, იქნებ ჩემთან ერთად იძინებს კიდევ...
 მე მიყვარს მისი საღებავგახუნებული
 და დალაქავებული ჭერი,
 ძველი პარკეტის იატაკი,
 შპალერგაყვითლებული კედელი, რომელსაც
 შუბლით და ხელისგულებით არაერთხელ
 მიყვრდნობივარ,
 ის არის ჩემი გოდების კედელი...
 ჩემი ოთახი ღარიბ ბერიკაცს მაგონებს,
 სიბერისგან კანდაჭმუჭნულს, ხელებდაკოჟრის
 და თმანვერგათეთრებულს,
 გახუნებული შარვლითა და ლანჩაგაცვეთილი
 ფეხსაცმელებით.
 ჩემი ოთახი ალბათ ყველაზე ვინრო და პატარაა
 დედაქალაქში,
 მაგრამ მყოფნის, მაგრამ ვეტყვი...

* * *

სულში დემონების ღავლაგია,
 უნდა გავაღწიო ამ ღამიდან,
 ფიქრი, კაემანი, უძილობა,
 უშენოდ სუნთქვაც კი აღარ მინდა.
 ფრთხილად ჩიტებად დავიშალეთ,
 გავყევით ტკივილის ქარიშხლებს,
 სული ცრემლის თქორით გაღუმპული,
 შენი მონატრებით გავიმშრალე.

სოფლის პეიზაჟი

გადაფერდილი დგას გომურთან ძველი საბოცრე,
 შიშით გაჟღინთა მინის შრენი ციფმა რუმ, – ბნელი,
 იქნებ, ასპიტი, ფულუს გათხრილ ხვრელშიც ამოძვრეს,
 ცაზე გორაობს ყრუ ბელივით ციდა ღრუბელი.
 ხარდანის ვაზი მოეხვია და სარს აკოცა,
 ლორთქო ბალახში კუნტრუმობენ ჭრელი ხბოები,
 დოლენჯაშვილის დახატულს ჰგავს საარაკო ცა,
 სიომ დაყნოსა გრილი ფშნები და ხბოები.
 ბაღჩაში შაშვმა გადაკენკა მნიფე მოცხარი
 და უნაზესი ხმით გალობდა ტოტზე ძახველის,
 ხაჭაპურივით დევს ზეცაზე მზე – გამომცხვარი,
 მამამ საყურძნედ გაამზადა ხის საწნახელი.
 ფოთოლი მოლზე გაიმოტა, ნაფარფატალი,
 გრძელი ტოტები ბელურებით რომ გაივსო ბლის,
 ღამე მოვიდა ორლობიდან ბანცალ-ბანცალით
 და უცებ სევდა შემომანვა დაცლილი სოფლის.

* * *

ფიქრი შევწყვიტე და გავისუსე,
 ტკივილო, ნეტავ, როდის გამივლი!
 ეს სტროფი ახლა მანვება სულზე,
 ახალშობილი ბავშვის გვამივით...
 განვიცდი, ვლელავ, რაღაც მიჭირს,
 საკუთარ თავს ვერ ვუსვამ დიაგნოზს...
 ახლა ვარ ერთი სოფლელი ბიჭი,
 ხვალ ჩემში პოეტს უნდა მივავნო.
 მზეს გუშინდელზე მეტი აქვს სითბო,
 გზას ფარავს თოვლი, წვრილად გაცრილი,
 მიმასვენებენ!.. ჩემს ცხედარს, თითქოს,
 მეც უკანასკნელ გზაზე ვაცილებ.
 ჯანლმა დაფარა სალი კლდის წვერო,
 მუდმივად ვებრძვი დარდის ქიმერებს
 და, ალბათ, ლექსებს იმიტომ ვწერ, რომ
 ჩემში დაბმულ მხეცს ვათვინიერებ...
 ავყურებ ზეცის მომწუსხველ ლივლივს,
 ცის ფსკერზე ნაპოვნ იმედებს ვუმზერ,
 ჯერ ცოცხალი ვარ და კიდევ ვივლი,
 ამ დედამინის ხორკლიან ზურგზე!

* * *

მზე ჩავარდა ღრუბლის ნაგში
 და ცამ წვიმა წამოროშა,
 შენი თმა კი გრილ ნიაგში,
 ფრიალებდა, როგორც დროშა.
 სამყაროდან გარიყული,
 დგახარ ოცნებების ქობთან,
 უბედობის ალიყური
 გულზე უმწარესად მოგხვდა.
 შენამდე რომ სწორი გზა ჩანს,
 მას დრო ბევრჯერ გაამრუდებს,
 გული რადგან ჩემთან დაგრჩა,
 საეჭვოა, არ დაბრუნდე.
 მონატრების გრძნობამ, ალბათ,
 სიკვდილამდე უნდა გეტანჯოს.
 სული ცრემლის ნამში დალბა,
 სულს სულ როგორ ვუდარავჯო!
 მომწყურდება ტკივილი კოცნა
 ამ სტრიქონთა ადრესატის,
 რად წახვედი მაშინ, როცა
 ჩემ სულს დაუნათესავდი?!

პოეტის ერთი ლექსი



მხოლოდ მესამე

როს მშობლიური სურნელისგან ქარი გაგძარცვავს
და ავდრისფერი კაბის შრიალით
მოგეახლება დედინაცვალი, ავის მსურველი – დასანანი!..
ხშირად სახელს ვერც კი დაარქმევ,
ერთდროულად რომ ტკივილიც გაქვს და სიყვარულიც!
ცხოვრების ზღვაში განძით სავსე გემსაც, იქნებ ამაზე მეტად
დამუქრებია, შტორმის სახით, საშიშროება
გამორიყვის ან ჩაძირვისა...
ერთი ნაპირი სიცრუით და სიძვით სავსეა!
აი, მეორეც! – ჭრელაჭრულა ფერებით მოსილით
ზე აღუმართავთ ჭრელი დროშა,
თუმცა, გარკვევით ვერავინ გეტყვის, ვის იცავენ, ან რას ელიან!..
მზე შუბისტარზეც ვერ ასწრებს ასვლას, რომ ხვდები,
აქაც იგივეა და, მსგავსად სხვათა,
შენც, შენი დროის უმხურვალეს ღადაში იწვი!..
რადგან გრძნობ, თურმე,
გაცემული – არა შენია! არცა სხვისია, –
ზე ნისლად ადის, შემდეგ კი, ალბათ, ნალექად
შეერთდება მიქცევ-მოქცევას!
რალაცა ახლის ძიებაში იწრთობა სული
და, ჰა, იმედად, წუთისოფლით ნაგვემი მდგმური
შორს, ჰორიზონტზე ამჩნევ ნაპირს, მესამე ნაპირს,
რომელიც, თურმე, სულთა კვენესამ გამოიგონა...
თურმე, ამ ნაპირს იშვიათად დაეძებს ვინმე,
რადგან ცხოვრებას, რახანია, დაზავებია...
იქ – მარტოსულთა სავანეშიც ძნელია ყოფა,
რადგან სარკმლიდან, რაც მესამე ნაპირს აქვს მხოლოდ,
რეალურ ხედებს სამყაროსას, მიელტვის თვალი...
პირველს და მეორეს შორის კი,
თანაბარი სიმჩატიტ დააქვთ სიძულვილით და
სიყვარულით სავსე ტომრები!
თუ სურთ, შარბათად შეასმევენ ერთურთს სანამლავს –
ვნება რომ დაცხრეს წუთისოფლის ატრაქციონზე...
ბუნებრივია, სული ელტვის მესამე ნაპირს! –
რწმენისა და სინათლის ნაპირს,
სადაც არავის უჩხრიალებს არცერთი ვერცხლი!..
(შესაბამისად, არც გაყიდვა არ გემუქრება!..
დგას სამრეკლოსთან გაცრეცილი სტიქარით მნათე...
იქვე სიმშვიდის მთები დგანან და ამ დუმილში
გაცხადებულა ამა სოფლის ამაოება...
მომწონს ნაპირი, არც – პირველი და არც – მეორე,
მხოლოდ – მესამე, სადაც თეთრი ღუზა ჩაეშვა...
ღმერთმა ნუ ქნას და, თუკი, იქაც დანალვლდა გული,
ნაპირს, მეოთხეს, აღარავინ გამოიგონებს!..
ზეცის სარკმლიდან თუ გადმოკრთა იმედის სხივი,
დაიმსხვრევა და უგზო-უკვლოდ გაიფანტება...
მომწონს ნაპირი, არც – პირველი და არც – მეორე,
მხოლოდ – მესამე!..
განრიდების სამოთხურ სამყოფს, იცავსო, თურმე,
ღვთისმშობლის კალთა... თვალები...
რა ძვირფასი და უბრალოა განძი იმ გემის –
ნაპირთშორისი სიძულვილი რომ ვერ იტვირთა!
ზღვა სევდიანი თვალთ უმზერს კაცთა მარათონს, –
ფინიშთან მხოლოდ ერთი დროშა აღიმართება!
უფლის ჯვარცმასთან თავს მახსენებს დათმენის ვალი...

კლარა გელაშვილი


ექსპრეს-ინტერვიუ კლარა გელაშვილთან

- საიდან იწყება კლარა გელაშვილი?
- დედის თვალების ფსკერიდან.
- პირველი ლექსი...
- 10 წლის ასაკში.
- წლების გადასახედიდან, როგორ ფიქრობ, ცხოვრება მშვენიერია?
- ცხოვრება ბრძოლის ველია, მშვენიერი მხოლოდ სიცოცხლეა...
- ცხინვალის სახელმწიფო უნივერსიტეტი დაამთავრეთ. რას ან ვის გაიხსენებდით?
- სამი შვილი მყავდა, სტუდენტი რომ გავხდი, – იმ ასაკში, როცა ყველაზე მეტად გესმის და გრძნობ, რა უნდა აკეთო. ბედნიერი ვარ, რომ შეხება მქონდა ისეთ კორიფეებთან, როგორც იყო ნოდარ მესხრიკაძე, ვენერა სომხიშვილი, გენადი ბურჭულაძე, შოთა ქურდაძე... დღემდე ვმეგობრობ თამილა გოგოლაძესთან, ზაზა ცოტნიაშვილთან, ვიანორ ახალაიასთან... აქ მეორედ მოვიხატე! განსაკუთრებული სიამაყე შემძინა სახელმწიფო გამოცდაზე შოთა ქურდაძის სიტყვებმა: „ახლოს მოდი, გულში უნდა ჩაგიკრა... ბედნიერი ვარ, რომ შენ ჩვენი კურსდამთავრებული გერქმევა“... თუნდაც, მხოლოდ ამ სიტყვებისთვის ღირდა ჩემი სტუდენტობა.
- თქვენი ხასიათის მთავარი თვისება...
- მებრძოლი, მაქსიმალისტი...
- ლექსიდან პროზაში გადაინაცვლეთ, – მიზეზი?
- არ გადავინაცვლე, პროზაულმა სამყარომ დამაფიქრა.
- ბოლო ნაშრომი...
- ახლახან დავასრულე დისერტაცია თემაზე „ომის პარადიგმა თანამედროვე ქართულ ლიტერატურაში“.
- საყვარელი ისტორიული გმირი...
- რომელი ერთი ჩამოვთვალო? განსაკუთრებით – დიმიტრი ყიფიანი.
- სამაგიდო წიგნი...
- „დედაენა“, „დათა თუთახშია“, „დიდოსტატის მარჯვენა“...
- ვის შემწეობას გრძნობთ განსაცდელისას?
- უფალი... დიმიტრი ყიფიანის სული და დედაჩემის აჩრდილი არ მმორდება...
- ერთგან წერთ, რომ სარეცელზე სიკვდილი არ გსურთ...
- ნამდვილად! მინდა, რალაც დიადს, ქვეყნისთვის სასიკეთო საქმეს შევეწირო...
- რისი შენარჩუნება გსურთ?
- თვითმყოფადობის, ეროვნულობის, ტრადიციის, გენის, სიმშვიდის...
- წერის გარდა, რა საქმიანობა გამშვიდებთ?
- ყვავილების მოვლა, ვაზის ახვევა, ტაძარში განმარტობა და ხატებთან ჩურჩული...
- როგორი თვისების მქონე ადამიანი მოგწონთ?
- პირნათელი – ყველასა და ყველაფრის წინაშე.
- რა არის წუთისოფელი?
- სასტუმრო...

ინტერვიუ ჩაინერა პოეტმა
შოთა დარბუაშვილმა



ნახატის ავტორი ხაშურის | საჯარო სკოლის
XI კლასის მოსწავლე სალომე ლომიძე



ავტორი
სალომე ლომიძე



ხელოვნთა ოჯახი

„დედა ნახე მამა ნახე, შვილი ისე გამონახე...“

საქართველოს ყველა კუთხეს, ქალაქსა თუ სოფელს მისი მკვიდრი, ტრადიციებით, კულტურული მემკვიდრეობითა და ნიჭიერებით გამორჩეული ოჯახები ამშვენებენ. არც თუ იშვიათად, მათი შთამომავლები მათი ღირსეული მოღვაწეობის გამგრძელებლად გვევლინებიან.

10 სექტემბერს, ხაშურის მთავარი ბიბლიოთეკის ხელმძღვანელის – მაკა დიდებულის მიერ ორგანიზებულ სალონურ საღამოზე, ერთ-ერთმა, ასეთმა გამორჩეულმა – ტაგანაშვილების ოჯახმა ხაშურის შემოქმედ და ხელოვნების მოყვარულ ადამიანებს უმასპინძლა და საკუთარი შემოქმედება გააცნო.



ვასილ და ბარბარე ტაგანაშვილების ოჯახი

დები – ნათელა, ცისკარი და ბარბარე ტაგანაშვილები ხაშურში დაიბადნენ და სასკოლო განათლებაც აქ მიიღეს. ამჟამად, თბილისში ცხოვრობენ, თუმცა, მშობლიურ ხაშურს არ ივიწყებენ. სხვადასხვა პროფესიის მქონე ქალბატონები ხელოვნების სამყაროში ბინადრობენ. მუსიკა და პოეზია მათი შთაგონებაა, რომელიც სათავეს წინაპრებიდან იღებს.

პაპა ხაშურის რკინიგზელთა გუნდის სოლისტი – ვასილ ტაგანაშვილი სხვადასხვა მუსიკალურ ინსტრუმენტზე უკრავდა, ლექსებსაც წერდა. მუსიკალობით გამოირჩეოდნენ მისი ვაჟებიც – როინ, გურამ და ოთარ ტაგანაშვილები.

ამრიგად, დები ტაგანაშვილების შემოქმედებითი ნიჭი გასაკვირი არ იყო. უფროსი დის – ქ-ნ ნათელას მისწრაფებას – სხვადასხვა ინსტრუმენტის ფლობის გარდა, საკუთარი ნაწარმოებებისათვის მიეცა გასაქანი, ერთმა შემთხვევამ შეუწყო ხელი:

წლების წინ იგი მეგობარს სტუმრობდა, სადაც საკუთარი სიმღერა შეასრულა. იქ იმყოფებოდნენ რევაზ ლალიძე და მერი დავითაშვილი.

ქართული სიმღერის კორიფე კომპოზიტორებს მოეწონათ გოგონას სიმღერა და მელოდიის სანოტო რვეულში გადატანა სთხოვეს. ძალიან მალე სიმღერის ნოტები მაშინდელი „პიონერთა სასახლის“ გაზეთში დაბეჭდეს და ნათელას სკოლას გამოუგზავნეს. მას შემდეგ, ქ-ნ ნათელა არაერთი რომანსის ავტორი გახდა, რომელთაც მაღალ პროფესიონალურად თავად ასრულებს.

ნათელა ტაგანაშვილის ორივე ქალიშვილი ამერიკაში ცხოვრობს, სადაც წარმატებულად საქმიანობენ მუსიკისა და ტანსაცმლის დიზაინის მიმართულებით.

თამარ ქურდაძე 2003 წელს, საუკეთესო პიანისტად დასახელდა, მისმა გოგონამ კი, ქ-ნ ნათელას შვილიშვილმა, ათი წლის ღიზა გუგუბერიძემ, 2019 წელს, ნიუ-იორკში გამართულ შოპენის საერთაშორისო ფესტივალზე, ყველაზე პატარა მონაწილემ დიდებს შორის, მესამე ადგილი დაიკავა. მართლაც, საამაყოა, როდესაც შენი სისხლი და ხორცი ასეთი წარმატებებით ასახელებს ოჯახს და ქვეყანას უცხოეთის ცის ქვეშ.

ქ-ნ ცისკარი ტაგანაშვილი, ტექნიკური განათლების მიუხედავად, ბავშვობიდანვე იყო ჩართული ხელოვნების – მუსიკისა და პოეზიის სამყაროში, წერს საბავშვო ლექსებს და მშვენივრად მღერის კიდეც. ხელოვნებით არის გატაცებული უმცროსი და ბარბარე და მისი შვილებიც.

სალონურ საღამოს მისთვის ჩვეული მუხტი შესძინა მწერალმა და საზოგადო მოღვაწემ, ქ-ნ მზია ხეთაგურმა, რომელმაც წლების წინ, დღეს უკვე დაკარგულ ცხინვალში, მათ სახლში გამართული სალონური საღამოები გაიხსენა და, ქ-ნ ნათელას რომანსებით მოხიბლულმა, დიურანისა და დუნაევსკის ცნობილი ვალსების კომპოზიცია შეასრულა.

დები ტაგანაშვილების სალონურ გარემოში ერთმანეთს ცვლიდა ლექსი, მუსიკა, გულწრფელი ემოცია და თბილი ღიმილი, რომელიც შეუცვლელი მკურნალია ადამიანის სულის გადასარჩენად.

დღეგრძელობას და წარმატებას ვუსურვებთ ხელოვან ქალბატონებს. მუზის წყალობა არ მოგკლებოდეთ!

ეკა ბაქრაძე

